

四庫全書

史部

欽定四庫全書

史部

浙江通志卷九十六

七

詳校官給事中臣戴璐

檢討臣德生覆勘

總校官編修臣倉聖脉

校對官中書臣袁文邵

謄錄監生臣席大賓

欽定四庫全書

浙江通志卷九十六

海防二

國朝防海事宜

紹興府志前代防海之師制不相沿浙所恃在水陸

二師自

國朝定鼎宿重兵省會初定為經制資提鎮及協鎮簡  
卒伍製火器造戰艘嚴烽堠武備之設水陸畢具

順治十八年以溫台寧三府邊海居民遷內地康熙二年奉檄沿海一帶釘定界椿仍築墩墩臺寨監旗為號設目兵若干名晝夜巡探編傳烽歌詞互相警備四年

欽差大臣巡視海邊每歲輪巡五六次次年撤回七年欽差大臣同總督趙廷臣由福建沿海出巡重以提督大帥歲有巡厯增造朦艚以備戰守

定海縣志康熙二十九年兩江總督福浙總督委江

南蘓鎮左奇營遊擊丁際昌郭龍浙江定鎮左右  
兩營遊擊葉紀原爾懷等會同查勘江浙洋面分  
界隨據蘓鎮左奇營遊擊丁際昌等呈稱馬蹟在  
羊山之東羊山在馬蹟之西東西對峙中間雖隔  
有海洋及山巒南北參差不一今議以羊山馬蹟  
兩山南面之諸山及海面總屬浙江北面者總屬  
江南是以兩山之南北分界非以兩山之東西為  
界限也今除羊馬兩山南面各山係浙省之汛不

造外其陳錢蘓寶蒲舉小七大七等山相應備冊  
呈送核定頒發碑文前赴羊馬兩山勒石可也又  
據定鎮遊擊葉紀等呈稱海洋向有界限即馬蹟  
山龍山宮所遺石碑為吳淞遊兵把總祝梓壽汎  
地且羊山有大小之分明季嘉靖年間倭寇吳淞  
同金山營官兵協守於小羊山浙江兵船亦駐泊  
於老羊山同江南船隻交相會哨則小羊山尚屬  
江南所轄豈馬蹟反屬江浙兩界之山乎況自定

海山而抵馬蹟水程千有餘里若吳淞關出高家嘴即是小羊山出瞭角嘴即是馬蹟山相距遠近不啻天淵應照歷來江浙官兵會哨之處以大羊山為止南屬浙省北屬江省其先到者於大羊山太子輿插立木牌而轉建碑勒石以垂永久嗣後浙江海汎以大羊山為界大羊山脚以北之洋島屬江南管轄江南海汎以馬蹟山為界馬蹟山脚以南之洋島屬浙江管轄自西至東山島洋面俱

以二山為準各照分定界限巡哨勒石羊山永為

定例

謹按浙省海防自宋元迄明畧具規制然未有如  
本朝之嚴密周詳者其大要在設立提鎮重臣統轄得  
宜且分置水陸各營與城守為犄角臂指聯屬互  
相聲援而人移提督於寧波設雄鎮於舟山間互  
環以障護內地駐乍浦以教習水師城寨星羅斥  
堠碁布扼要制勝遠過前朝至如商漁船隻亦必  
嚴夾帶之禁定出入之期中保甲之令立稽查之  
法徹桑網戶隨時變通蓋自此可永清寰海之塵  
而非僅為全浙  
同疆圉之計也

雍正五年十二月十六日兵部為遵



旨會議事議得先據浙江提督石雲倬題請本標中營  
守備右營遊擊二缺改設水師調遣出洋一疏經  
臣部以毋庸議題覆奉

旨這事情着將部議并石雲倬原題交與高其倬李衛  
會同定議具奏欽此欽遵行文去後今據總督高其  
倬等疏稱浙江提督總轄全省水陸非若閩省分  
設水陸二提督可比今提臣請將本標之中營守  
備右營遊擊二缺改設水師遴選熟悉水性人員

充補并選熟悉水務之千總二員把總四員輪班  
出洋督察官不增添兵無抽調於營制原無更改  
至各鎮營船隻除輪派出洋外尚有存汛之船提  
標巡員止於督察勤惰不必多帶兵丁需船有限  
亦無慮船不敷用寧府一城既有提督鎮守又有  
城守一營且遊守二員輪流調遣仍有一員存城  
亦無城守單弱之慮臣與撫臣李衛會同酌議應  
照提臣石雲倬所請等因合詞具題前來查該督

等既經遵

旨會同酌議應如該督等所議准其將提標中營守備  
右營遊擊二缺改設水師行令該督提於通省熟  
悉水性人員內揀選題請調補并選熟諳水務之  
千總二員把總四員出洋督察仍嚴飭所派官弁  
加謹巡查如怠惰不職以致汎防失事該督提據  
實題叅可也奉

旨依議

雍正七年三月浙江總督管理巡撫事務

臣李衛

題為酌議沿海要口添設砲臺巡船以固疆圉事

該臣看得浙江台州府屬之海門原係衛所從前駐劄總兵控扼海口後始移鎮黃巖此地與台協前所對峙皆係陸路汎地中隔椒江寬廣十里自黃巖至台郡必由此江橫渡府城食米向仰給於黃太二縣若加禁遏則郡民有艱食之苦然由江入海片帆如飛以十里江面之寬又係急流捷徑

瞭望稍有不及即被偷越出口

臣

雖曾於兩岸設

立照票魚用營汛戳記挨號稽查而小艇扁舟紛  
紜雜沓終難盡絕此處設防不可不慎

臣

因未得  
親身巡歷先與

欽差臣性桂商酌乘盤查台屬錢糧之便前往察勘情  
形定議防杜續准咨覆海門前所兩岸皆係陸路  
未曾設有汛船雖黃巖水師在於外面洋面巡哨  
難於進內查緝應再於兩岸陸汛江面添設快哨

船數隻就近實力巡察偷運米石夾帶私鹽等弊  
又海門至黃巖前所至台郡南北兩岸相隔數里  
每岸各設立砲臺一處再隔數里亦設一處安兵  
防守建造營房永遠居住又溫州之樂清縣虹橋  
二處及平陽之江口汎離海均不過數里亦係陸  
汎向無船隻應照太平縣寺前橋之例一體設船  
安兵則稽查可得嚴密等因當經轉飭布政司會  
議通詳去後今據布政使高斌按察使方觀會同

詳稱備查台屬海門前所二處經黃鎮勦明除牛頭頸設有砲臺無庸再設外只須於江面各設大巡船二隻安兵十名晝夜梭巡仍再於前所汛口添設小巡船一隻在老鼠嶼駕巡無分雨夜彼此會哨偷運奸徒諒難飛渡其海門相近之家子地方既屬漁船出入之所又三江口亦係大海汊界似應各設砲臺一座以資瞭望建造營房安頓兵丁并設巡船各一隻撥兵晝夜巡查以杜奸匪惟

是三江口之對峙即係新亭其家子之對峙即係章安道頭應再於此二處亦各設砲臺一座安兵十名建置營房配快船各一隻時駕巡緝不許擅離至樂清虹橋二處已將南岸口及萬橋口巡船各一隻移進樂清虹橋隨潮巡哨毋庸另設惟平陽營之江口汎南北港外即屬大洋陸路雖有官兵戍守不能遊厯海江應請照太平縣寺前橋之例設立哨船二隻分於南北兩岸江面防範遊巡



如遇偷運夾帶即可飛棹擒獲至砲臺舊時既有  
設立似無須另為安設等情會詳請題前來臣等  
覆加確核無異事關營制汛防添設事宜臣謹會  
題奉

旨該部議奏隨經兵部以應如該督等所請覆奏奉  
旨依議

雍正七年七月兵部等為遵

旨議覆事該臣等會議得浙江總督李衛條奏水陸事

宜一摺內稱寧海營健跳汛宜改設水師查黃巖鎮居定溫之中道扼閩浙洋面之咽喉左營水汛自海門至石浦亘綿四百餘里中隔茶盤三門花寨等洋從前匪船多在茶盤洋面游移從此進五嶺門直通寧海縣城之東更為必防之地向於海游內汛設守備一員而健跳偏處海濱城下即茶盤大洋僅設千總分防又以陸路無船雖見賊艘難以飛渡追擒況健跳港道寬廣實為水師要區

請將海游守備并附近內地之石橋汎把總移調  
健跳改為水師守備設兵二百五十名大小戰船  
六隻專司巡查茶盤三門花廳大佛頭南田林門  
靖寇門等處洋面與黃巖左營定海中營石浦汎  
會哨其健跳原防千總調赴海游防守至所設健  
跳水師兵丁除原防兵一百二十五名外於海游  
抽兵七十五名石橋汎抽兵二十名大橫汎抽兵  
十五名西塢汎抽兵十名曼壘汎抽兵五名以足

二百五十名之數於黃巖鎮中左二營各撥水船一隻於拆造時改作雙蓬船船二隻定海鎮撥八槳船四隻二隻改為雙蓬船船二隻改為快哨船仍歸寧海營叅將管轄黃巖鎮統轄兵不加增船無虛設水陸可得實用等語查海游健跳二汛俱屬寧海營管轄向令左營守備一員帶兵一百五十四名駐防海游千總一員帶兵一百二十五名駐防健跳俱係陸汛未設巡船其海門前所等

處洋面悉係黃巖鎮左營將備配船巡哨但洋汛綿長未免顧此失彼近經觀風整俗使蔡仕艸條奏以健跳一汛港門深廣外通茶盤大洋僅設一陸路千總並無戰船請將千總改為水師量添弁兵船隻輪出哨巡經臣部議令該督將健跳汛應否改為水師添設弁兵船隻果否有益詳酌定議具題等因奉

旨依議欽遵現在行文今該督所議與蔡仕艸條奏之

意相同應如所請將海游守備并石橋把總移駐健跳原防千總調赴海游駐防所設健跳兵丁除原防兵一百二十五名外不敷兵丁於海游等汛抽撥足數所需船隻於黃巖定海兩鎮戰船內撥給改造至海游守備石橋把總原係陸路今移駐健跳改為水師仍歸寧海營叅將管轄黃巖鎮統轄可也奉

旨依議

雍正七年十一月浙江總督管理巡撫事務臣李  
衛題為遵

旨議覆事該臣看得溫州鎮總兵冉起鳳奏稱每年夏  
秋二季遵例坐駕戰船出洋督哨春冬二季親往  
各營陸路地方巡查會哨等情蒙

批與臣商酌題奏查溫鎮轄屬親標三營及溫州城守  
樂清瑞安平陽大荆磐石玉環等各營俱分布永  
嘉平陽瑞安樂清泰順等五縣地方遼濶其間山

海交錯水陸兼防向例水師各營於二月出洋哨捕十月撤巡該鎮總兵以時坐船督哨其陸路地方則各協營分汛設防遊巡會哨該鎮不時差員稽察各在案仰藉

聖主德威遠播邇來山海寧謐宵小潛踪而隨時防範之道不可不加周密前調任處州鎮臣王安國曾奏請於所轄各營四季巡查經臣謬議以鎮臣出巡太頻恐兵民不無往來奔走之煩又慮駐劄地



方或致空虛彈壓無人因定以每年春冬農隙之時分地查閱現在照行今溫州鎮臣再起鳳所請亦屬留心地方之處但冬春二季接連為期相去不遠尚有海洋責任綦重不便久離鎮地若兩次往返登山越嶺亦覺太頻或冬或春總於農務既閒東作未興之時減從裹糧於陸路分巡數處統計一年之內將所屬共為一周亦足便道察知扼防形勢簡閱兵伍警惕宵小於地方甚為有益其

海汛督巡仍照舊例按時出洋是否有當仰祈  
皇上聖明指示以便飭遵其浙省水陸魚轄各鎮除定  
海孤懸在外不便令其內地遊巡外黃巖亦應如  
溫州之例永遠循照畫一而行謹遵

旨題覆隨經部議以應如該督等所請覆奏奉  
旨依議

雍正七年十一月浙江總督管巡撫事臣李衛題  
為請改駐郡佐等官以專職守以重海疆事該臣

看得浙省寧波府一郡三面臨海口岸繁多商漁貿易採捕等船出入無常臣不時嚴飭各汛文武員弁上緊巡查務使奸宄屏跡而其間緊要隘口尤當因地制宜以收實效不便因循致有貽誤茲查得鄞縣之大嵩地處海口離城寫遠雖有提標遊擊駐防而界連象邑山海交錯地方遼濶不可無文員彈壓請將同知移駐大嵩可以稽查海口又得就近治理民事甚與地方有益又定海縣之

岱山居定治之北隔一海汊與舟山為犄角而岑  
港在定治之西亦係舟山之門戶以兩處相較岱  
山尤為緊要請將岑港司巡檢駐劄岱山再定邑  
之東沈家門乃洋艘出入之所南為烏沙門直接  
大洋東連普陀山外即洛伽門為定邑之咽喉最  
為緊要且離縣城七十餘里查向有寶陀司巡檢  
駐劄此處緣

本朝初年遷禁海界將巡檢衙署拆毀移駐縣前原屬

無益是以於雍正二年間奉文裁汰但寶陀巡檢  
駐劄縣前似屬冗員若令駐劄沈家門實為要地  
應請設立沈家嶼巡檢以資巡緝實為防範海疆  
之要可否准行恭候

聖明鑒定

臣謹會題奉

旨該部議奏隨經兵部議覆應如該督等所請奉

旨依議

雍正八年三月浙江總督管理巡撫事務

臣李衛

題為遵

旨查議禁除偷運米石事該臣等會看得臣性桂奉命赴浙會查錢糧仰蒙

皇上睿慮周詳以江浙近海地方偷運米石出海之弊尚未盡除

命臣等一併嚴查毋得疎漏欽此臣性桂到浙之時隨會同臣李衛前任觀風整俗使臣許容商酌稽查務將沿海口岸形勢從前隱弊察明其間港澳之

出入船隻之驗放與夫文武官弁之稽巡前經附  
疏陳明另行詳議具題在案茲行據布政使程元  
章按察使方觀移行沿海道府鎮協營等各就本  
地情形抒見議覆該司等酌議先後具詳前來伏  
查私米出洋例禁甚嚴浙江沿海情形杭屬之錢  
塘江雖係通海而距大洋尚遠僅有柴滷彈船往  
來外販商艘難進鼈子門河莊汎為兩岸口隘船  
隻由此驗放嘉屬乍浦乃出入海洋要汎現駐重

兵次為澈浦亦設汛防紹屬多係內塗惟觀海汛  
淹浦一口與外洋相通此外寧台溫三府屬口岸  
繁多四通八達其總匯緊要之處設有專員彈壓  
其餘口隘分撥弁員哨巡星羅棋布原屬周密凡  
出洋貿易巨商大船皆挾貲本牟利不肯輕於犯  
法所帶日食餘米悉有限定數目填照盤驗一遵  
舊例無敢寬縱且出入必由汛口海關不致私行  
透越惟閩省及本省沿海各屬或偶逢歉歲民食



不敷間有詳奉上司明文給照通糶者均屬

朝廷赤子未便歧視遇糶但照內原有填定採買地方  
及所購數目而奸民每先隨路越至別處零星買  
備復往填定地方從新採買其多餘之米既得沿  
途糶賣高價仍有照內所買之數回籍查驗此中  
實有隱弊今嚴飭營縣汛口務必查驗批照地名  
數目相同准令買足即於照內註明某處買米若  
干並無多溢移交原籍查對如有越地多買嚴拿

欽定四庫全書

卷九十六

十一

治罪又凡採捕漁船雖有計其人數及往來日期  
准帶日米餘米之例而若輩每於數外夾帶者一  
則防風信無常為本身口食之計一則孤僻島壘  
多有私搭寮廠牽網曬魚採樵釣淡之人均需食  
米可以接濟獲利故雖巡查甚嚴常多甘扞法網  
然舍私牙之代買囤戶之預積小船之搬運停泊  
之游移則斷不能飛越口岸而直達也蓋外來之  
人本非熟識不敢沿家收買自牙人貪得蠅頭微

利為之暗地零星代收更有不法之徒恃其居近  
海邊平時預將米穀積囤臨期勾通奸牙彼此授  
受又慮經由汛口勢必盤查敗露遂將販運之船  
於海塗偏僻無人小港私行停泊等候而沿海原  
有斫柴捕捉小艇名為海馬皆係窮民覓食朝出  
暮歸且船式褊淺受載無多是以在縣未加編號  
烙印亦不經由汛口驗照放行若輩受其僱倩往  
往乘旦暮之際於淺水鼓棹代為零星搬運此種

弊端必須嚴為防杜今米牙必擇身家殷實之人  
取鄰甲同行保結如串通代買本人并濫保者一  
體治罪其海口居民除量存食米外若有多行囤  
積私自糶賣者難掩隣保之目責令舉首止究本  
人容隱發覺并行連坐凡外來船隻到岸俱須進  
口停泊道頭營弁不時稽查游移外泊者嚴拿究  
訊其各澳諸項小船飭令地方官着落澳甲通數  
查明照商漁船例一體編號入冊所具連環互結

嗣後出入亦令汎口盤查不許於空處私行偷越  
仍嚴定賞罰之例凡有兵役盤出私米及諸色人  
等首報得實者不拘米數多寡俱以十分之三給  
賞在洋拿獲者准給一半餘者入官報充公用巡  
查懈弛及已過此處而經別汎拿獲者員弁兵役  
分別斥革究責受賄縱放計賊加等倍處兼轄各  
官均照失察處分以上各條臣等現在嚴飭各屬  
文武實力奉行責成道府鎮將不時稽察稍有怠

玩即當嚴叅以期仰副

皇上慎重海疆剔除積弊之至意但臣等智識粗淺防範未固是否有當伏候

聖鑒指示臣謹會題奉

旨該部議奏隨經戶部會議應如該督等所議覆奏奉旨依議

雍正六年八月浙江總督管理巡撫事務為請申商漁蓬號之法以別奸良以靖海疆事據黃巖鎮呈據標下左營遊擊張兆龍詳稱海洋商漁船隻久奉

諭旨

船傍刊刻字號船桅船頭油飾顏色又欲其遠而易見奉憲行令頭蓬大書省分大蓬大書縣分商漁船戶姓名蓋以標榜高易於遠瞭奸良著便於先知如該船設有被賊劫為盜艘以及盜艘是何蓬號則具報到日巡防哨船不論去來遠近於瞭見之時便已了然在目即可預備追拿不必兩船相近始知詳悉以致彼船遠瞭哨船預於躲避潛踪無從物色誠為弭盜安疆之良法也其如日久弛今卑職巡邏海汛每見商漁船隻絕不書寫蓬號者十分已居其七遵法書寫者僅有其三且書亦不大字亦不明側近熟視始見形影玩廢悞公莫此為甚若於洋中遇見之時勒令書蓬恐致阻難商漁若聽其玩弛奸良莫辨貽累海疆為清其源請於該地出口歸澳之時責令文武守口員弁押令各船逐一照例書寫則彼不能飛渡洋中無不書寫蓬號之商漁矣飭行之後如仍有抗違

者通行一例解究則奸船無所托足海洋得以救  
寧詳請轉詳督憲移行閩浙兩省文武守口員弁  
嚴謹奉行庶禁令中嚴海疆有益等情據此擬合  
據文轉請賜咨通飭遵行到院除移行通飭曉諭  
外合咨貴部院煩請查  
照轉飭一體遵照施行

雍正六年九月浙江總督管理巡撫事務為嚴查  
出洋商船久不回棹事照得定海乍浦等處海口  
洋商船隻出往東洋貿易原有定限毋庸在外逗  
遛不歸如有逾限該地方官即行查究久經飭遵  
在案今查各屬上年冊報商船前往東洋中報回  
棹者寥寥尚有各船延今並不報明回浙明係中  
途逗遛偷越別洋情弊事關海洋重務難容徇隱  
合行嚴查為此仰司移行海關并各屬將本年東  
洋回棹商船到有若干該船所領倭照是否報部  
有名抑或額外私領逐一查明造冊報奪其未經



回棹各船嚴着牙保勒限追回詳報仍飭各牙毋  
許串通船戶夾帶違禁貨物及偷運米穀出洋接  
濟等弊倘敢陽奉陰違一經察出立拿究治勿得  
徇隱並干重咎先取各牙行姓名甘結報查均毋  
延遲

雍正六年十月浙江總督管理巡撫事務為飭行  
查議事案照乍浦新設滿營水師應建官署營房  
先准將軍咨會派定旗員會估建造業經轉行知  
照在案第查原設乍浦水師營現在兵丁尚有賃  
居民家未免紛煩多事應否將城內該遊擊衙署  
營房駐劄滿兵抑或改為理事同知衙門將建設  
滿兵衙署營房銀兩另委官於城外隙地建造遊  
擊衙署營房一應水師兵丁俱安插城外既可約  
束訓練且免多事之虞其西山砲臺天妃宮汛地  
原設千總一員兵三十名係嘉協陸路右營守備

欽定四庫全書

卷九十六

所轄若改歸水師派防即可安插官兵所有澈浦一帶陸汛原設千總一員兵一百名係嘉協左營守備所轄仍應照舊陸路分防專責城守之任再乍浦洋面四月至七月南風盛發水底爛泥被風掃去皆係硬塗難於停泊今滿營戰船每船另設鉄矛一門其港河開通工力浩繁查天妃宮後原有閘河應否將此河濬深稍濶工力有限而戰船亦可無虞但濬後仍復淤積務須確查明晰方不致有虛費再乍浦駐札既有滿洲水師綠旗水師又有嘉協陸路右營彼此夾雜不相統攝每至呼應不靈今應將乍浦陸路守備聽乍浦遊擊管轄其乍浦遊擊聽嘉協副將魚轄則彼此聯屬庶防範戒嚴遇警得以犄角策應合飭確議為此牌仰該司官吏即便遵照移行逐一勘明確議立速通詳以憑察核會奪

雍正六年十月浙江總督管理巡撫事務為請添  
海洋專汛弁員等事據司道會詳黃巖鎮統轄三  
營島嶼叢多往往奸宄潛踪劫害商船向例每營  
止設千總一員專汛派撥巡船四隻內係扼守戰  
船一隻專汛戰船一隻隨巡隨舩共駕戰船二隻  
若遇失事責在扼守專汛而隨巡隨舩並無處分  
未免怠於巡查是專汛不無顧此失彼之虞請於  
中營深門川礁洋面適中處所各設專汛官一員  
左營白岱門急水門洋面適中處所各設專汛官  
一員右營蠟殼嶼楊柳坑洋面適中處所各設專  
汛官一員每營各派經制千總二員按照分定洋  
面往來遊巡入派弁目隨舩帶兵巡邏則東西南  
北皆與三營接壤聯絡照應倘遇失事專汛官照  
例參處其隨巡弁目分別懲革則凡在洋員弁自  
必實力巡查而海疆益靖矣其扼守將備輪流巡  
察專汛隨舩更換出洋相應仍循舊例可也今准

欽定四庫全書

卷九十六

黃巖鎮三營遊擊移稱中營照依添設深門川礁左營添設白岱門急水門右營添設盤鼓嶼楊柳坑適中各洋面處所實力巡查合將添設專汛員弁并隨巡隨隊員弁姓名分晰備造清冊呈送前來為此合咨貴部請煩察照施行

雍正七年十一月浙江總督管理巡撫事務為通行飭遵以收實效事照得巡洋官兵務須涉歷島嶼曉識礁沙凡賊人寄棹樵汲之所必身親履勘即配船兵丁具錢駛探駕棹繚斗舵應令人人諳練熟習一遇賊艘各相幫護彼此協力相需方不歧悞今巡洋將弁一任偷安每至出巡不過內洋灣泊塗澳虛應故事諺之千把微員憑一紙報文遂為了事塞責獨不知千把外委見將備如此彼亦效尤何曾破浪沖風與遊梭織收商漁之規例以飽囊橐帶違禁之貨物以覓重貲海中之險要

礁沙目既茫然不諳船內之水戰兵丁又不互相  
教習在水兵止司駕船行騁不學戰攻在戰兵自  
謂遇敵對壘不學操舟一旦緩急不能通用今應  
將旋斗繚舵分編四甲按船之大小額配戰水兵  
丁內除百隊一名書識一名捕盜一名什兵一名  
并經管桅頭水兵五名不編入甲外將旋手斗手  
繚手舵工懸為甲首各執其事尚餘水戰兵丁若  
干名盡數配搭編為四甲分派旋斗繚舵跟班指  
點習學在旋手則教以滾旋拋拋拋撥擷車輦等事  
斗手則教以放吊揚遞腰慢放檣緯管頭繚等事  
繚手則教以趨繚風過大蓬收摘尾管大繚摺蓬  
頁等事舵工則教以搶拉護舵礁辣山嶼及風信  
颶期雲日流水等事務令各兵留心習學訓練純  
熟其護旋護斗護繚護舵五日一換至於十日旋  
斗則換護繚舵繚舵則換護旋斗前後更換彼此  
輪流循環週歷習慣自然至戰艦在洋日當瞭哨

夜當支更設籌二支派水戰兵丁一體輪值雖雨  
夜霜天不許怠弛接籌交替再在洋遇有暇時使  
善三板水兵帶領戰兵教其擺放如何稍遇如何  
收攏一一指點令其獨搖演習純熟庶船兵登岸  
往來自便設遇賊艘則飛戢折駛堵截追擒遠塗  
搜捕是兵成勁旅弁盡練員惟在巡洋將弁實力  
遵行以收功效合行通飭為此照會該鎮文到即  
便轉飭所轄將弁遵照實力奉行編甲更換教習  
不得仍前灣泊  
內地虛應故事

雍正七年十一月浙江總督管理巡撫事務為海  
洋之出入恭嚴等事案照奸商船戶出洋夾帶違  
禁貨物與圖書籍女馬僧人弓箭甲械媚獻外國  
回棹夾帶倭彝進入內地皆由汛口關隘文武通  
同牙行止知需索陋例不行實力盤查甚有明知  
賄放包送出口以致奸商船戶大膽玩法經本部

院訪拿完處外立法奏明設立商總八人在於寧  
乍上海分晰稽查凡有出洋商船其坐商行商船  
戶必取同出洋商人三名連環互結船隻字號梁  
頭丈尺及所帶一切貨物數目逐件開明在船舵  
水搭客逐名填註正實年貌籍貫姓名一併造冊  
牙行出具甘結總商加具保狀地方官詳明批准  
行知各口海關及文武衙門方許領照出口時海  
關并點驗之文武帶同總商牙行親身赴船盤驗  
不得貨裝半載續用小舟搬運以杜隱弊其回棹  
之時亦照前例將人口貨物及納稅若干造冊加  
結具報倘有在船之人事故據實呈明開除毋許  
夾帶違禁人貨并大船出洋小船回棹偷帶奸匪  
頂替姓名如查驗官商受賄徇隱許諸色人等首  
告將貨賞給從重叅斥拿完通飭兩省并發冊結  
式樣填報稽查今詳到各船均不造冊結不遵寫  
際今歲暮正當回棹出口之期合飭加謹稽察發

式彙造清冊送核為此牌仰該護關查照來文事  
理轉飭屬縣凡回棹出口商船遵照冊結詳報仍  
將今歲查驗一應出口回棹商船按照原行逐件  
彙造清冊定限十二月內呈送以憑核對事關海  
洋重務毋  
得遲延

雍正八年正月浙江總督管理巡撫事務為飭禁  
事案照浙省海山搭寮接濟歷經中嚴查禁在案  
今訪聞定海衢山等處查有松江華亭縣船隻裝  
載茅柴者甚多及馬蹟山有鄞鎮兩縣採薪船五  
隻衢山之萬兩畝又倒斗畝桶畝各有華亭縣人  
俱搭蓋棚廠砍伐蘆柴再馬蹟之北基湖畝雖無  
人跡差驗地上破碎器具碗片等物似有人居住  
或係砍柴人到此均未可定但各畝俱屬大洋此  
等船又與採淡船不同採淡俱在下八山遠洋所  
防接濟酒米硝黃而此數山稍近內洋在畝既有



搭棚久住之人往來又有裝運之船或遇孤舟保無搶劫情事設遇奸匪又難保無窩頓容留之弊即果皆良民而棚廠所需口糧自必陸續運送囤積在壘一旦被匪類攫取即可接濟殊違禁例合亟飭行為此照會該鎮丈到即將前項砍柴民人偷越浙洋在於衢山倒斗等壘搭蓋各棚廠速飭查明限以日月勒令查行拆棚搬回進口永禁不許再往蓋廠并移沿海水陸轄汛營員一體盤驗加謹巡查驅禁倘丈武仍前徇縱容隱一任詭詞朦混致有奸船再蹈故習越出大洋搭寮接濟等弊一經察出立即

參拿切勿嘗試

謹按浙省防海事宜悉由

聖謨廣運制置周詳而欽遵奉行必見諸文移示檄故擇其有闕切要者附錄數則於後云

浙江通志卷九十六

欽定四庫全書

浙江通志卷九十七

海防三

杭州府

杭州枕江負海

錢塘縣沿江仁和海寧二縣瀕海

江口兩山夾峙南

曰龕山

屬紹興蕭山縣界

北曰赭山

屬海寧縣界

旁有小山曰

鼈子山謂之海門江流經府西而南東接海寧縣

界出海門以入於海故鼈子門控扼要害乃省會

之鎖鑰而海寧則瀕海為縣東達澈浦南臨大洋

石墩鳳凰黃灣諸山皆沿海必備之險也

石墩山在海寧

縣東五十里下有小港外通大洋

鳳凰山直插

海中雖為海寧縣之海口實乃省城之下關

黃

灣山在海寧縣東六十五里旁近大海有黃灣浦與澈浦接北通峽石衮花諸處最為險要

明洪武初置浙江都指揮使司防守郡城其海口特

設錢塘江水兵隸管操都司統轄海寧設千戶所

隸海寧備倭把總統轄

錢塘江水兵領哨官一員巡船二十隻兵二百名

每年春秋二汛出鼉子門赭山海口哨探警息

海寧所

洪武三年建衛二十年改所在縣治東

千戶等官十八員旗

軍六百九十七名轄寨一曰黃灣山寨

在海寧縣東五十里

臺六曰下館曰松林曰丁家村曰橫山

近海塘

曰潘

家浦曰褚家園烽堠五曰尖山

在海寧縣東六十里南臨大海

曰廟前曰巖門山曰赭山曰石墩巡檢司二曰赭

山巡司弓兵一百名

元至正間置洪武三年遷陳橋二十年築城楮山

曰

石墩巡司弓兵一百名

洪武二年於峽石開設十二年徙石墩

國朝經制額設杭協城守錢塘水師二營城守營副將  
統轄都司千把外委等官十三員兵八百五十七

名

俱詳見  
兵制

除分防內地各汛外兼防海寧縣汛水

師營都司僉書統轄千把外委等官十一員兵六  
百五十六名

俱詳見  
兵制

除分防內地各汛外兼防鼇

子門河莊山汛

鼇子門河莊山汛千總及外委把總輪防駐兵八

十一名領唬船四隻

康熙五十六年福浙總督蒲  
保題請將本營防守運河汛

唬船十五隻內抽調四隻改為唬船赴  
本汛巡防雍正五年六月改為大唬船

本汛原係杭協城守營海寧汛兼轄康熙五十六  
年福浙總督滿保題請將本營原防餘杭縣汛歸  
城守營管轄其海寧汛所轄盤  
子門河莊山汛改歸本營管轄

海寧縣汛把總及外委千總防守駐兵八十八名

轄臺十八 潘家壩 華家街 將軍殿 關帝

殿 馬牧港 牛皮墩 秧田廟 廟前臺 五

里亭 十里亭 廿里亭 范家堰 周家墩

石墩 小尖山 大尖山 談山嶺 鳳凰山

海寧在城駐防初係督標把總康熙十年改城守  
營千總管轄小鹽河南起至談山嶺止沿海十九  
處烽臺縣設兵二百名河南砲臺設兵十五名河  
北砲臺設兵十名五條圩至談家嶺每臺設兵五  
名尖山順治二年設營中軍都司一員帶兵五  
十名駐守康熙間巡海大人題定海寧縣撥杭州  
城守營千總一員帶兵二百名分插  
沿海一帶將尖山經制官撤赴回營

謹按防海事宜至

本朝而大備其全省大綱已具見於前惟衛所兵船烽  
墩臺寨與營伍之相攝哨守之相聯俱分各府登  
載但因時制宜皆取前明之制而損益之故仍列  
明制於右以見  
聖朝規畫損益之盡善云

嘉興府



嘉興地處浙西惟平湖海鹽二縣之境東臨大海南  
澈北乍延袤百七十里相望寧紹諸山隱隱列拱  
白沙梁莊西海口秦駐山黃道港諸處皆為郡境  
之衝而乍浦一關尤稱緊要控據海岸翼蔽金山  
外通羊澚大洋實與江省相為脣齒云

白沙灣在平湖縣東

南五十三里距乍浦二十里濱海梁莊在平湖縣東南四十里東去獨山五里距乍浦一十五里  
濱海西海口在海鹽縣東北五十里南通大洋北近平湖浙西之咽喉也秦駐山在澈浦鎮東北十五里山下長隄沿海黃道廟港濱海與南岸臨觀二衛相峙極為衝要

欽定四庫全書

浙江通志  
卷九十七

明洪武初置嘉興千戶所

隸蘇州衛

防守郡城其沿海特

設海寧衛

領乍浦二所

隸海寧備倭把總統轄

海寧衛

洪武十七年建在海鹽縣治西去海半里乃嘉湖二郡之屏蔽南澈北乍各相去四

十里東門龍王塘外即大洋直對浙東臨觀等衛迤南半洋即白塔山賊每泊此登岸而南則侵澈浦西有天寧寺為水陸通衢直抵嘉興此縣城之咽喉沿海之要衝也指揮以下等

官六十員旗軍

闕

千四十九名轄寨二曰北鋪曰

藍田

藍田浦在海鹽縣南三里浦口有寨

臺六曰南臺

去衛六里

曰麥莊

涇曰朱公亭曰北臺曰九里亭曰三間亭烽堠一

曰藍田巡檢司一曰海口鎮巡司弓兵七十名

在海

鹽縣東北十八里唐時於縣東一里置寧海鎮元置海沙巡司明初因之在縣東門外洪武十九年

徙此地名沙腰村

乍浦所

洪武十七年建在平湖縣東南二十七里去海半里東援金山西衛海鹽內捍平湖

浙西之門戶也千戶等官二十四員旗軍八百六十名轄

寨七曰獨樹林

過東五里即金山衛界

曰梁莊大寨曰梁莊

舊寨

去新寨三里

曰長沙灣曰蒲山外寨

蒲山在平湖縣東南三十

里濱海

曰金家灣曰唐家灣臺七曰獨樹林曰益山

曰西山背曰蒲西山曰聖妃宮

山在陳

曰惹山

即雅

山平湖縣東南十七里

曰東山背烽堠三曰陳山

陳山平湖縣東南三十

里曰高公山

高公山在陳山南一里

曰觀山

觀山一名官山平湖縣東南二

里十八巡檢司二曰乍浦巡司弓兵七十名

在平湖縣東南

三十六里舊為顧邑巡司宋元時置於顧邑城內洪武十四年徙置乍浦鎮改今名十九年又移於

此曰白沙灣巡司弓兵七十名

元置蘆漚巡司於廣陳鎮洪武十九

年移於白沙灣改今名

澈浦所

洪武十九年建在海鹽縣南三十六里之澈浦鎮去海一里山灣潮峻為南路之衝

千戶等官二十二員旗軍五百二十名轄寨四曰

西山背曰南海口

在海鹽縣南離海半里與東海口俱為衝要

曰混水

開曰葫蘆灣

葫蘆山浸海中

臺一曰東園烽堠五曰青山

青山在澈浦鎮東

三里本鎮主山也

曰西山曰秦駐曰牆山

長牆山鎮東三

里橫截海濤若渚牆然

曰廟山

廟山在鎮西北三里

巡檢司一曰澈浦

巡司弓兵七十名

在海鹽縣東北十八里秦駐山北初在澈浦鎮洪武中徙於此

海寧把總統水兵三枝

羊游哨許山哨乍浦守關

駐劄海寧衛隸

分守杭嘉湖參將

羊游哨本總督同總哨官一員部領大小戰船二十隻兵四百一十四名汛期泊南羊山聖姑礁東哨至徐公上下川馬蹟等洋

馬蹟徐公上下川下川四山並在羊山東

與定海總官兵會哨南哨至大羊山沙塘壘衢山鼠狼湖等洋與定海總北哨官兵會哨西哨至灘許與游哨官兵會哨北哨至小羊山大小七山蘇州洋茅草洋與吳淞官兵會哨

許山哨總哨官一員部領大小戰船二十隻兵三

百七十五名汛期泊許山東哨至大小七山蘓州

茅草等洋

大七山小七山並在羊山東北

與直隸官兵會哨南哨

至大羊山沙塘畧東嶽背與定海總北左哨官兵

會哨西哨至北漁山

洋面最廣正對錢塘江口西望慈谿後海龍頭山相對

與臨觀總後哨官兵會哨北哨至白塔港

白塔山在海鹽

縣東南二十里海中有港通魯浦名曰白塔潭海舟多泊焉

與本關官兵會哨

乍浦守關總哨官一員部領大小戰船十八隻兵

四百八十八名泊守乍浦西海口外東哨至金山

西哨至海鹽澈浦海寧等處海洋

杭嘉湖叅將嘉靖三十八年增設統陸兵四總

前營後營

左營  
右營

水兵一枝

游哨

駐劄海鹽縣海寧一總屬其調

度

前營名色把總一員部領哨官四員兵四百三十  
七名屯劄乍浦所城汛期劄守乍浦梁莊東哨至  
大營盤地方與南直隸金山叅將標兵會哨西哨  
至乍浦牛橋地方與後營官兵會哨



後營

官兵同  
前營

屯劉海鹽操練汛期劉守乍浦海口

東哨至牛橋地方與前營官兵會哨西哨至海鹽

白馬廟地方

白馬廟在海鹽縣  
北十八里沙腰村

與左營官兵會哨

左營

官兵同  
前營

屯劉海鹽縣城汛期劉守東門一帶

東哨至白馬廟地方與後營官兵會哨西哨至秦

駐山地方與右營官兵會哨

右營

官兵同  
前營

屯劉澈浦所城汛期劉守南海口東

哨至秦駐山地方與左營官兵會哨西哨至海寧

黃灣與海寧所官兵會哨

游哨中軍名色把總一員部領大小戰船十九隻  
兵二百五十九名汛期隨叅將駐白塔山海港巡  
哨灘許羊山等洋策應督察各游哨兵船

國朝經制額設嘉協城守營專司陸路兼轄乍澉二城  
又設乍浦水師營巡防洋汛滿洲水師營駐劄乍  
浦所城彈壓海疆要地

嘉協營副將統轄左右兩營都守千把等官一十四

員兵一千四百五十名

俱詳見  
兵制

除駐守府城分防

內地各汛外其沿海仍設乍浦澈浦二汛

乍浦所城右營守備防守駐兵一百五十三名快  
唬船二隻

澈浦所城兩營撥把總輪防駐兵一百名快唬船  
一隻

乍浦水師營叅將統轄守備千把外委等官七員兵

五百名

俱詳見  
兵制

戰船十隻

內水船二隻南  
船四隻哨船四隻

分

防乍浦口址按期酌配官兵編定專汛隨踪扼守

跟踪更番出洋巡哨

乍浦口址天妃宮口轄砲臺一

原防嘉協右營兵三十名今撤歸府

城汛

西山嘴口轄砲臺一

原防嘉協千總一員兵三十名今撤歸府城汛

營千總防守駐兵六十名

乍浦海汛游守千把四員駕船四隻輪巡

二月轄一換轄

洋面七大羊山小羊山

大小羊山相倚中隔一港三四里許大羊

山稍東南小羊山稍近西北正北有小山錯雜交浮洋面正東為上川下川徐公馬蹟東北為大七

小七正南雙頭洞姚姓浦長白山正西為許山灘  
山西南為大小漁山為東霍西霍閩省商船之收  
入乍浦者必由東霍西霍之北許山灘山之南西  
向入口收入上海者必由大七小七西向入口

灘山

許山

黃盤山

與獨山相對

中四嶼山

筴杯山

乍浦西南與鎮海營接界

乍浦滿洲水師營副都統統轄協領佐領防禦驍騎

校等官四十二員滿洲蒙古撥什庫等兵一千六

百名綠旗水手兵四百名

俱詳見兵制

戰船二十二隻

內大趕船九隻小趕船九隻南船四隻

防守乍浦各門兼管西山

背砲臺與綠旗水師營協同教習水師船務

寧波府

寧波三面際海北面尤孤懸海濱吳淞海門呼吸可  
接東出鎮海大洋遼闊南連閩粵西通吳會舟山  
突起中洲延袤四百餘里控扼日本諸蕃厥惟咽  
喉之地故以要害而論鎮海為寧紹之門戶舟山  
為鎮海之外藩海上設備多途寧波當全浙之衝  
尤不可不厚集其力也

明洪武初置寧波衛防守郡城其沿海特設昌國衛

領爵溪錢倉石浦前後諸所

隸昌國備倭把總統轄定海衛

領大

嵩霏霨穿山舟山中中左諸所

隸定海備倭把總統轄

定海今鎮海

昌國衛

洪武十二年舟山置千戶所十七年改衛二十年徙象山之東門山二十七年又徙

後門山在象山縣西南八十里去海三里本衛坐衝大海極為險要石浦關切近壇頭韭山乃倭舶出沒咽喉必由之路懸海南北礮等山設舟師往來巡哨以為東路聲援其西象山縣石浦巡司則恃之以為右翼者也懸海金齒八排朱門等處設舟師往來巡哨以為南路聲援其北牛欄基旦門青門茅海竿門則恃之以為門戶者也

指揮以下等官七十六員旗

軍四千四百八十名轄寨一曰南堡

南堡寨在象山縣南三十

里近海邊嘉靖中撥本衛并爵溪所兵共八十名委官一員帶領防守

烽堠九曰仁

義曰赤坎曰黃沙

有隘

曰前山

在衛城內

曰後山

後門山在象山

縣南一百里本衛跨山而成

曰崎頭

與海中積谷山相對

曰嵩臬曰何家

磧與海中旦門相對

曰烏石

烏石山與海中牛欄基相對

爵溪所

洪武三十一年建在象山縣西十五里北去府城二百七十里去海一里本所西

北阻山東通大海西並錢倉南以游仙寨為外戶北以象山縣為喉舌亦稱要地

千戶等

官一十三員旗軍一千一百二十名轄寨一曰游



仙

游仙寨在爵溪所南嘉靖中撥昌國衛軍一百名本所軍一百五十名委官一員帶領防守

烽堠七曰公嶼

在象山縣東十五里與海中鞍子山相對

曰沙嶺曰玉

泉曰屏風

屏風山在象山縣東北三十五里過此為湖頭渡乃鄞奉之境

曰外嶺

後有鋸門龍洞與游仙寨交界

曰趙寨曰半路巡檢司三曰爵溪

巡司弓兵一百名

在象山縣西五十五里姜嶼渡舊在爵溪洪武二十年建所徙

此曰陳山巡司弓兵一百名

在象山縣東十三里舊置縣北陳山正統

十二年徙此曰趙寨巡司弓兵一百名

在象山縣東南七里舊在寧海

縣境正統八年徙此

錢倉所

洪武二十年建在象山縣西北三十里東去海一里至大嵩港約一百里外接竿門

浦門等處西北至湖頭渡為大嵩所界乃昌國之藩籬與大嵩相為犄角者也千戶等官

一十五員旗軍一千一百二十名轄烽墩七曰青

雷

近朱溪中莊一帶

曰東門嶺

後有百畝田

曰蒲門嶺

距象山縣五十

里有東西廚山前與韭山相對

曰前山曰中堡樓曰塗茨曰杉木

離所三十里

石浦前後二所

洪武二十年遷石浦巡司調昌國衛前後二所築城戍守在象山縣

西南百里城下一帶水涯可以棲泊戰船對面有山即石浦舊城今謂之石浦關關外大洋有山曰

壇頭倭盜出沒處也  
翼蔽昌國此為門戶

千戶等官二十四員旗軍二

千二百四十名轄烽堠六曰後山

在所城內

曰前山

近所

城後與海中前門下灣門相對

曰大金山曰土灣

左有海中三門碗盞嶼相對

曰松巖曰下巖

與海中後門相對

巡檢司一曰石浦巡司

弓兵三十名

洪武二年建初在昌國城內二十年改置千戶所遷於象山縣南一百二

十里之

青山

定海衛

洪武十二年置定海千戶所二十年改衛在定海縣治東今鎮海縣地南臨港口嘉

靖中有靖海營團兵操守招寶山高聳海口極為要害山巔築威遠城屯劄軍兵有犄角之勢指

揮以下等官九十一員旗軍四千四百八十名轄

烽墩十三曰高山

衛治西北四十里

曰竺山

衛治東南十二里即小港

海曰小山曰鷗鷺曰候濤山

即招寶山近城

曰打鼓山

衛治

東南二十里後有黃茅山

曰張師浦

衛治東南二十里後有蛟門

曰大尖岡

衛治東南二十里後對烈港

曰大魚灣

衛治東南三十五里斜對黃牛礁

曰長

山

衛治東南七十里

曰季嶼曰鷗鷺曰汪家路巡檢司三

曰管界巡司弓兵一百名

在今鎮海縣西北六十里宋曰水陸管界巡檢

寨在縣城內嘉祐中遷蟹浦上洪武二十年徙於縣西四十里與高山烽墩蟹渤山相連曰甬

東巡司弓兵一百名

在今鎮海縣東南十五里甬東橋旁舊在府東五里甬東

隅洪武二十年徙竹山海口與招寶山相對

曰長山巡司弓兵一百名

在今鎮海縣南四十里舊為海內東寨洪武初徙於長山鹽場之右二十七年徙今所與大碶頭隘

連相

大嵩所

洪武二十年建在今鎮海縣東南百三十里去海三里西北去府城九十里東援霽

霽南連錢倉東南為大海港對峙韭山直衝大海

千戶等官一十七員旗

軍一千一百二十名轄烽堠八曰大千

所治東六十五里與

梅山港相對

曰崑亭

後有挺子港相對

曰黃崑

所治東五里後有六橫山相對

曰尖碕

所治東一十五里前有孝順洋東西兩壘

曰港口

離城一里

曰橫山

所治南十五里又有橫山隘在所治西十里

曰慈壘

所治東二十五里今鎮海縣東南九

十里有慈壘山

曰蛤壘

所治東二十里與海中溫洲嶼相對

巡檢司一曰塔

山巡司弓兵一百名

在奉化縣塔嶺上

霽霽所

洪武二十年建在今鎮海縣東南百二十里去海半里西去府城百八十里濱海孤

懸其東南為梅山港東至碕頭大洋南至雙嶼港俱約五十里西至大嵩港約百里北五里為三塔

峰最險要

千戶等官一十六員旗軍一千一百二十名

轄臺一曰三塔山烽堠五曰盛壘

即碕頭洋

曰高山

所治

東三里有地名平巖頭為深水要衝

曰梅山

隔海十里北與五汛港相對又有梅山隘為戍

守要地

曰觀山

所治西五里有梅山港與雙嶼港相對

曰蝦床

所治西十里地

名深水埠頭近海口

巡檢司二曰霞嶼巡司弓兵一百名

在今

鎮海縣南百里舊為海內西寨宋嘉定間徙於縣南洪武初改礮頭巡司正統十三年改今名後有

輪港相對

曰太平巡司弓兵一百名

在今鎮海縣南六十里正統十三年

置名床頭隘左右為礁山東山相夾易於防守

穿山後所

洪武二十七年建在今鎮海縣東南九里西北去府城百五十里東南接霽

霽南接大嵩所東臨黃碕港最為要地

千戶等官十七員旗軍一千

一百二十名轄臺一曰神堂

所治東十五里

烽堠九曰西

山

所治東北五里懸海

曰磧頭

所治西北一里前有太榭山

曰所後曰鍋

蓋曰白峰曰嵩子山曰嶼山曰撿蝦埠曰黃崎

臨黃

崎

巡檢司一曰穿山巡司弓兵一百名

在今鎮海縣東南百

二十里宋建炎中置白峰巡司紹興中漸徙而南洪武初徙穿山旁改穿山巡司二十八年徙此

舟山中中中左二所

洪武十三年設舟山守禦千戶所十七年改衛二十年徙

衛於象山改置中中中左二所在舟山上

千戶等官三十七員旗軍二

千二百四十名轄寨三曰千礮

在今定海縣北三十五里

曰沈



家門

在所東八十里沈家門山外通蓮花洋內有趙墓南嶼蘆花嶼大嶼去寨三五里以大嶺

口為阻截要路七十里至補陀山

曰西碛

唐家山北

臺一曰青雷頭

在青

雷頭山地名畢家灣

烽堠二十一曰外湖

地名曉峰

曰石牆山

在石

牆墩

曰包家墩

在海

曰石衙曰鹿頸

鹿頸山在今定海縣西南

十五里

曰蒲沙

地名天同嶼在岑江司東南

曰西山

在今定海縣西三十

五里

曰碇齒

在所西五十里與烈港相對密邇岑港

曰赤石

赤石山在今定海縣

東北五十里

曰接待曰竒嶼

在所西北本名大沙

曰小展

小展山在今定

海縣東四十里有小展嶼

曰釣嶼

在岱山巡司西切近海口為汛守要地

曰程家

欽定四庫全書

卷九十七

墩

地名炭山離海四里

曰石墀

與柯梅嶺相連

曰謝浦

謝浦山在今定海縣東二

十五里

曰舟山曰沈家門曰郎家碛

在所西北東距奇嶼西距沙嶼

與西礮寨相連中為小沙嶼

曰袁家碛

地名沙嶼在岑港之東有長白山兩頭洞其相

近者為馬嶼

曰螺峰

所城西南十五里前有丁家礁

巡檢司四曰螺峰

巡司弓兵七百名

在螺頭嶼宋名螺頭元名螺峰

曰寶陀巡司弓

兵一百名

在補陀山

曰岑港巡司弓兵一百名

在岑港距本所

東北二十里乃衝要海口也

曰岱山巡司弓兵一百名

在岱山所東南

三十里

昌國把總統陸兵一總水兵三枝

游哨南哨北哨

駐劄昌國

衛陸營名色把總一員部領哨官五員兵五百四十一名平時屯劄昌國衛操練防守汛期分發各兵在於沿海衝要地方往來巡邏會哨

游哨本總部領哨官一員大小戰船三十四隻兵七百三十名汛期本總督同哨官伏截韭山汛地

韭山象山縣東南百里海中形勢嵯峨島嶼深遠昌國第一險要又東南百里有大薤山卓然孤立憑據大洋直望日本倭船往來視此為準東游錢倉爵溪西游昌國石

浦往來巡邏

南哨林門哨哨總官一員部領大小戰船一十二

隻兵二百五十五名汛期外哨金齒

金齒山在象山縣南百六

十里島嶼頗多有金齒門港倭舶往來每栖泊於此亦南路要衝也

八排

八排門港在象山縣

南百四十里與佛頭山相連港內多腴田地下便於栖泊嘉靖中有兵巡守

等處海洋

南與本區三門哨

三門港在象山縣西南百里港口為石浦巡司及上灣番頭一

帶三門去石浦稍遠而與朱門海洋鄰近戍守最切

官兵會哨北與本區下

灣門

下灣門港在石浦所東南外即壇頭大洋內則舊城東門港濶潮急且與火爐頭山對峙

又四門入路總會於此  
此守下灣門要地也

官兵會哨 三門哨領哨

官一員部領大小戰船一十隻兵二百二十九名

汛期外哨空山洋白礁茅頭瓦礫嶼大佛頭

大佛頭山

象山縣南一百五十里高出海中諸山數百丈周一百餘里其地名南田海中十洲此為第一日本入貢每望此山為嚮道有斗底蝦蟇烏頭青後城壺底等嶼中甚平曠地皆膏腴宜耕稼稍西為台明嶼兩山對峙中流為台明二州分界處等處海洋南與松海總大佛

頭官兵北與本區林門哨

林門山在朱門之東為金齒朱門之喉舌島嶼

亦官兵互相會哨 下灣門領哨官一員部領大

小戰船八隻兵一百七十一名汛期外哨三坑南

礮大沙灣等處海洋內防石浦前後二所城池南

與本區林門哨官兵北與本區牛欄基

牛欄基港在石浦所

北為石浦關之後戶外洋必由之隘也有山環抱可避東北颶風分哨南北此為適中之地官

兵互相會哨 牛欄基領哨官一員部領大小戰

船一十四隻兵三百一十四名汛期外哨壇頭

壇頭

山即石壇山有南北礮壳菜等畧可

北礮三嶽三

嶽

山係外海懸島乃昌國

半邊山

半邊山象山縣東海中三嶽山西

前後所喉襟最為險要

鎖門

鎖門山象山縣東南海中至半邊山十里

後沙等處海洋內防昌

國衛城池南與本區下灣門官兵北與本區旦門

官兵互相會哨

旦門哨

旦門港在昌國衛東北係懸海大洋外有東旦

山與韭山相對

額哨官一員部領大小戰船一十三隻兵

二百七十八名汛期外哨東西旦龍洞口大小睦

睦睦山象山縣東南海中一百里小睦山象山縣東南四十里

等處海洋南與本

區牛欄基官兵北與本區青門官兵互相會哨

北哨千門哨

千門港在象山縣西北錢倉所南距石浦關百餘里

哨總官一

員部領大小戰船一十二隻兵二百九十四名汛

期外哨孝順洋東西廚

東廚即東殊山距象山縣東南八十里西廚即西殊

山距象山縣東南六十里

亂礁洋等處海洋內防錢倉所城池

北與定海總青龍哨官兵及本區湖頭渡百畝田

官兵互相會哨

青門哨

青門港在象山縣西爵溪所東南有山四抱可

以避風泊船內接公嶼外衛四礁與韭山相對極為衝要

領哨官一員部領大

小戰船一十一隻兵二百五十六名汛期外哨牛

門鞍子頭白巖洋等處海洋北與本區百畝田官



兵南與本區旦門官兵互相會哨 百畝田哨領

哨官一員部領大小戰船八隻兵一百六十四名

汛期外哨道人山

道人山一名雙泉山象山縣東四十里海中

四礁亂

礁洋等處海洋內防錢倉所城池北與本區千門

哨官兵南與本區青門哨官兵互相會哨 湖頭

渡哨

湖頭渡在象山縣東北三十里大嵩所有湖頭關移此自湖頭渡而西百二十里而達奉

化渡蓋為三邑要口

領哨官一員部領大小戰船六隻兵九

十五名汛期泊湖頭渡南隅海洋內防象山縣地

方北與定海總青龍哨南與本區千門哨官兵互相會哨

定海把總舊為定臨觀總於嘉靖二十八年分為二

總

定海一  
臨觀一

其定海總統水兵三枝

游哨南  
哨北

駐劄定

海與昌國臨觀二總並隸分守寧紹叅將

游哨本總部領大小戰船一十六隻兵二百六十

名汛期泊烏沙門

烏沙門在舟山東  
南白沙港之南

東哨至東霍

山青幫廟子湖

東霍山昌國東北海中  
幫舟山外洋西為廟子湖

與寧紹

叅將正游左哨官兵會哨南哨至韭山與昌國總  
游哨官兵會哨西哨至海閘門溫州嶼與本區南  
青南右二哨官兵會哨北哨至鼠狼湖衢東洋由  
徐公上下川至羊山與總鎮中游左哨官兵會哨  
魚顧落華花腦浪岡海礁茅草蘓州大小七山等  
洋仍與直隸浙西二總官兵會哨

南哨青龍左哨哨總官一員部領大小戰船一十  
三隻兵三百三十三名汛期泊蹟嶼東哨溫州嶼

與本區青龍右哨官兵會哨仍過洋哨至韭山與  
昌國總游哨官兵會哨西哨至湖頭渡南哨至大  
麥坑過洋與昌國總千門哨官兵會哨北哨至崎  
頭洋汭泥港與本區南右哨官兵會哨 青龍右

哨領哨官一員部領大小戰船一十二隻兵三百

二名汛期泊溫州嶼

溫州嶼山在象  
山縣東海中

東哨至茶鏡

山海關門與本區南右哨官兵會哨西哨至大麥  
坑蹟嶼與本區青龍左哨官兵會哨南哨至韭山

與昌國總游哨官兵會哨 南左哨領哨官一員  
部領大小戰船一十三隻兵二百九十五名汛期  
泊釣魚礁東由順母塗哨至白沙港與本區南中  
哨官兵會哨南出烏沙門哨至赤礁山外洋與本  
區南右哨官兵會哨西哨至崎頭洋仍與本區南  
右哨官兵會哨北由蓮花洋哨至梁橫山與本區  
梁橫官兵會哨 南右哨領哨官一員部領大小  
戰船十隻兵二百一十七名汛期泊浹泥港東由

石幫港哨至馬順門外海至烏沙門與本總官兵  
會哨南由茶鏡山過洋至韭山與昌國游哨官兵  
會哨西由海閘門白馬礁至溫州嶼與本區青龍  
右哨官兵會哨北由崎頭洋至釣魚礁與本區南  
左哨官兵會哨 南中哨領哨官一員部領大小  
戰船一十二隻兵二百七十三名汛期泊白沙港  
在舟山東南  
北至普陀 東哨至霍山廟子湖與寧紹參將正  
游左哨官兵會哨南哨至烏沙門與本區南左哨

官兵會哨西哨至普陀巡檢與寧紹叅將正兵  
哨官兵會哨北哨至鼠狼湖與本區北右哨官兵  
會哨

北哨北右哨哨總官一員部領大小戰船一十三  
隻兵二百九十一名汛期泊鼠狼湖東哨至蒲輿  
與寧紹叅將正游右哨官兵會哨南哨至廟子湖  
與寧紹叅將正游左哨官兵會哨西哨至五爪湖  
與本區馬右哨官兵會哨北由徐公上下川哨至

羊山與浙西官兵會哨 北左哨領哨官一員部

領大小戰船一十隻兵一百九十二名汛期泊東

嶽背東哨至礁潭由巧門哨至寨子山

北近大洋山

兩

頭洞

一名雙合山舟山內洋

與臨觀總官兵會哨南哨至五

爪湖與本區馬右哨官兵會哨北哨至沙塘畧小

衢山與臨觀左哨官兵會哨 馬左哨領哨官一

員部領大小戰船八隻兵一百六十一名汛期泊

馬墓港

在舟山北百餘里

東哨至梁橫山與本區梁橫哨



官兵會哨南哨至烈港與臨觀總官兵會哨西哨至東西二霍山以顧臨觀沿海一帶北由兩頭洞漁山洋至許山與浙西游哨官兵會哨馬右哨

領哨官一員部領大小戰船九隻兵二百二十四

名汎期泊五爪湖

距舟山約二百餘里

東哨至鼠狼湖與本

區北右哨官兵會哨南哨至白沙港與本區南中

哨官兵會哨西哨至梁橫與本區梁橫哨官兵會

哨北哨至東嶽嘴與本區北左哨官兵會哨梁

橫哨領哨官一員部領大小戰船一十二隻兵二

百四名汛期泊梁橫山

舟山內洋

專哨橫大洋東哨鼠

狼湖與本區北右哨官兵會哨南哨至釣魚礁與

本區南左哨官兵會哨西哨至馬墓與本區馬左

哨官兵會哨北哨至五爪湖與本區馬右哨官兵

會哨

寧紹叅將嘉靖三十一年設

革備倭都司改設

統水兵三枝

正兵哨正游左哨正游右哨

駐劄定海

今鎮海

三十五年總鎮移

駐定海本叅改駐臨山三十八年又移駐舟山臨  
觀昌國定海三總俱屬調度

正兵哨中軍名色把總一員部領大小戰船一十  
九隻兵五百名汛畢泊舟山關口汛期泊普陀巡  
檢臺海洋聽本叅往來南北海洋巡哨遇警截勦  
應援

正游左哨名色把總一員部領哨官一員大小戰  
船二十九隻兵五百一十名汛畢泊舟山關口汛

期出洋泊廟子湖東哨至李西陳錢浪岡海礁與  
總鎮中游左哨官兵會哨南哨至青幫霍山大洋  
西哨至烏沙門及白沙港與定海總南中哨各官  
兵會哨北哨至三星山鼠狼湖大衢洋與定海總  
北右哨官兵會哨仍哨至橫大洋英烈五爪湖與  
定海總北右哨官兵會哨

正游右哨名色把總一員部領哨官一員大小戰  
船二十九隻兵五百四名汎畢泊舟山關口汎期

出洋泊蒲島東哨至李西陳錢壁下浪岡海礁大  
洋與總鎮中游左哨官兵會哨南哨至三星東霍  
大洋與本區正游左哨官兵會哨西哨至馬蹟潭  
徐公上下川南北羊山與浙西直隸二處官兵會  
哨北哨至大小七山茅草蘓州等洋與直隸崇明  
官兵會哨

總兵管理浙直海防軍務嘉靖三十四年設駐劄臨  
山三十五年以定海為諸蕃貢道改駐彈壓標下

統陸兵五總

中左右前  
後五營

水兵三枝

中軍哨中  
游左哨中  
游右哨

萬厯九年移駐省城汎期仍巡厯海上駐定海四

叅六總悉受節制

中營本標坐營官部領哨官四員兵四百名平時

常駐定海

今鎮海

防守本城並本關海口聽備緩急

調遣策應

左營名色把總一員部領哨官四員兵四百名平

時常駐定海操練每年汎時更番發守龍山等處

地方撥兵往來沿海巡哨

右營

官兵同  
左營

平時常駐劉定海操練每年春汛更

番發守霽霽等處地方撥兵往來沿海巡哨

前營

官兵同  
左營

平時常駐定海操練每年春汛更番

發守錢倉等處地方撥兵往來沿海巡哨

後營

官兵同  
左營

平時常駐定海操練每年春汛更番

發守穿山後所等處地方撥兵往來沿海巡哨

中軍哨名色把總一員部領大小戰船四十六隻

兵七百五十九名泊定海港平時把守關口汛期  
本鎮坐統出洋南北往來巡督

中游左哨名色把總一員部領哨官二員大小戰  
船三十六隻兵七百一十八名汛畢泊定海港汛  
期出洋劉陳錢魯東哨至浪岡海礁大洋南哨至  
大霍山與寧紹參將正游左哨官兵會哨西哨至  
蒲島與寧紹參將正游右哨官兵會哨北哨至花  
腦與本標中游右哨官兵會哨兼顧茅草大小七



羊山

中游右哨

官兵同左哨

汛畢泊定海港汛期出洋泊花

腦東哨日本極東窮洋南哨至陳錢裏西二盤與  
本標中游左哨官兵會哨西哨至落華羊山北丁  
興殿前山與直隸官兵會哨北哨至大小七茅草  
洋崇明與江北狼山官兵會哨

國朝經制額設提督大臣駐劄寧波府

初駐省城順治十六年移鎮寧

波康熙二年復設水師提督於寧改前提督為陸  
師移鎮紹興七年以海氛漸息罷水師提督并於

陸師復由紹興徙鎮寧波

彈壓海疆節制全省水陸官兵仍設

總鎮於定海兼轄象協昌石鎮海三營巡防海汛

要地

提督統轄標下中左右前後五營叅游守千把等官

四十員兵四千二百三十五名

俱詳見兵制

除駐防府

城外其沿海仍設穿山霽霽太嵩所湖頭渡汛又  
增設嶠崎鹽場足頭應家棚諸汛

穿山汛

東五里至黃崎港海口西六十餘里至育王嶺西與寧波城守營接界又至孔墅嶺

與鎮海營接界南至羊洛河與崑亭  
汛接界北十里至橫水洋海口為界  
左營千把總

輪防駐兵一百五十五名轄口址一臺六汛地八

穿山街口址

去所城五里

大漁山臺

三十三里至東堵河臺

東堵河臺

十二里至林大山臺

林大山臺

十二里至穿山村臺

穿山村臺

十三里至小門山臺

小門山臺

去所城五里至司前山臺十一

里

司前山臺

去官莊汛五里

八鳳洋汛

去大漁山臺六里七里至

大礮頭汛

大礮頭汛

十三里至貝家礮汛

貝家礮汛

五里至朱家塘

汛

朱家塘汛

八里至霞浦張汛

霞浦張汛

五里至山門汛

山門汎

二十一里至白峰汎

白峰汎

十一里至官莊汎

官莊汎

十里至袁家嶺山與霽霽汎接界

霽霽汎

東二十里至岐頭洋海面西至蝦康山臺與崑亭汎接界南至梅山港海口北至袁

家嶺與穿山汎接界

左營千把總輪防駐兵七十名轄汎地

一臺四

康頭汎

去蝦康山五里

東山臺

去所城十里四里至總臺

山臺

總臺山臺

十里至箸雷山臺

箸雷山臺

鎮海縣東南一百三

十里本臺十三里至蝦康山臺

蝦康山臺

十里至東嶽山臺與崑亭汎接界

崑亭汎

東至東嶽山臺與霽霽汎接界西至合嶽與前營大嵩汎接界南五里至青龍港海

口北至楊洛河左營千把總輪防駐兵九十五名  
與穿山汎接界

轄臺四汎地三東壘山臺去所城五里十里至菖蒲山臺菖

蒲山臺十里至獅子山臺獅子山臺十里至廟東山臺廟東

山臺去合壘五里三山汎慈壘汎慈壘汎合壘汎

合壘汎五里至穿鼻山與前營大嵩所接界

本標穿山霽甯崑亭三汎舊隸鎮  
海營雍正二年改歸本標管轄

大嵩所東十一里至趙家臺與嶧崎汎接界西十一里至球琳臺與鹽場汎接界南十里至

塗邊隔港面十餘里與象山營接界北  
至狹石嶺十五里與寧波城守營接界前營游守

千把等官四員永防駐兵三百六名

嶺崎汎

東五里至合輿汎之穿鼻山與崑亭汎接界西十一里至大嵩所城南十里至塗邊

隔港面二十里與象山營接界北前營把總分防至鄞縣內地與寧波城守營接界

駐兵一百五十五名轄臺一趙家臺

鹽場汎

東五里至大嵩橋又一里與大嵩所接界西十里至足頭臺與足頭汎接界南十里

至塗邊隔港面二十餘里與象山營接界北至鄞縣內地與寧波城守營接界前營把總

分防駐兵一百六十名轄臺三球琳臺黃牛

嶺臺橫山臺

足頭汛

東七里至黃牛嶺與鹽場汛接界西二里至火爬嶺與湖頭渡接界南五里至塗邊

隔港而二十里與象山營接界北至鄞縣內地與寧波城守營接界

前營把總分防

駐兵五十五名轄臺一

足頭臺

湖頭渡汛

海面十里東十五里至足頭汛西二十里至風衙口與應家棚汛接界南臨塗

邊隔港面十餘里與象山營接界北至奉化縣內地與寧波城守營接界

前營千總分

防駐兵一百七十五名轄臺一

長嶺臺 領哨

船五隻

康熙十年本汛設哨船十隻二十五年撥三隻給海關巡查二十九年海關呈報巡

船失水本汛隨奉文又撥交哨船一隻實存哨船六隻三十六年海關以哨船大難於駕駛將留用

船三隻仍歸原汛本汛實存哨船九隻雍正二年閏四月又撥交鎮海營哨船四隻今本汛現存哨船五隻

應家棚汛

離奉化縣七十五里隔山有鹿頭懸山順治十八年設寨城戍守後革東三里

至楊村汛西五里至黃賢界牌南里許至海塗北里許至大山係奉化縣內地後營中軍

守備永防駐兵三百名轄汛地三

馬頭臺汛

離奉

化縣城九十六里

楊村汛

離奉化縣城七十八里

石盆汛

離奉化縣

城八十三里

定海鎮駐劄定海縣

原駐定海即今之鎮海康熙二十二年移駐舟山改為舟山鎮



二十五年改舟山為定海仍為定海鎮

總兵官統轄標下中左右三

營游擊守備千把外委等官四十四員兵二千八

百四十一名

俱詳見兵制

戰哨船四十二隻分防沿海

各陸汛按期酌配官兵駕船更番出洋巡哨

中營陸汛鹽倉汛

鹽倉寨在縣西南與紫薇刈河兩寨接壤抵南道頭六里東南

為螺頭門東北為竹山門定民往來問渡經由之處亦沿海一帶控扼之所

轄臺一

曉峰臺

曉峰山在縣西南六里鹽倉寨北

螺頭汛

距縣二十里

轄臺一

螺頭臺

鹽倉寨南

紫薇汎

自岑港峽門嶺過岫為紫薇畧南厯溪口畧澤頭畧與鹽倉連界北循鄭思嶺以西

山與岑港連界

轄臺一

天童臺

天童山距縣西北十六里

大沙汎

大沙畧在縣極西南連岑港北對外海長白港東界小沙西隣碇齒

轄臺一

郎家山臺

小沙汎

小沙畧在縣北東通馬畧西接紫薇北界長白港自大塘至後灣通臨海口

轄

臺一 崎山臺

馬畧汎

馬畧山在縣西北四十里東距礮礮西通小沙南通州河北界大洋與秀山近

臺二 三江臺 袁家臺

干礮汎

干礮臺距縣二十五里東北  
距灌門北接馬臺南鄰白泉  
輶臺一干

礮臺

左營陸汎甬東汎

甬東臺在縣東附郭南際道頭  
東控十六門西連長岡北抵嶺

腳西南至  
竹山門

輶臺一

青壘臺

在縣東南七里青雷  
頭山外臨海洋舟由

十六門沈家門出  
入必取道於此

吳榭汎

去甬東二十餘里三面遶山南則  
海波噴激與潮上下築塘捍之

輶臺一

榭浦臺

在縣東二十里  
烟墩山臨海

舵臺汎

舵臺在縣之極東三面環海外即蓮  
花洋與普陀桃花諸山南為沈家門  
輶臺

一 石礮臺

大辰汛

大辰縣南接蘆花縣西連洞縣東出為黃大洋直接螺門一帶

轄臺二

赤石臺

在縣東北五十里赤石山外臨大洋

塘頭臺

白泉汛

白泉縣西界干澗東接北礮北則沿海口潮水湧入為浦

轄臺一程

家山臺

在北礮縣北

道頭汛

在甬東縣南商舶往來必集之地

轄砲臺一

沈家門汛

轄砲臺一

普陀汛

普陀山在縣東二百餘里東通日本西接蓮花洋南至朱家尖石牛港諸汛北距黃

大洋凡商船往來候風於山下謂之  
放洋盜賊硯伺出沒實汛防之要地

右營陸汛岑港壘汛  
岑港壘在定海縣西北即橫水洋東界紫薇西距大沙南

則雙鴉山小壘漲齒  
五交諸處皆瀕於海  
轄砲臺一

中營海汛內洋旗頭汛  
轄洋面三十三  
龜山  
距北

左營道頭汛  
南至小渠山  
小盤嶼  
吞鐵港  
在盤嶼東南

火燒

門  
在定海縣西南  
大渠山  
離定海縣約三十里突峙海中深廣里許

小渠

山  
離定海縣約四十里  
摘箸山  
離定海縣約十里

虎頸頭  
亂

石港  
箸帽門  
北界右營汛  
獅子礁  
小茅山  
離定海縣

欽定四庫全書

卷九十七

約三十里  
北近大渠

貓門

糧長壩

升羅山

西距霸衛  
北為旗頭

山

旗頭洋

蝦岐門

蝦岐山

離定海約四十  
里人多網捕於

此

稻蓬礁

插排山

汭泥港

係首衝防汎  
船會哨處

六橫山

離定海縣約六十  
里北近蝦岐山

椒潭

田壩

缸升

礁

大塗面

官山頭

朴蛇山

北距霸衛  
東近六橫

梅

山港

上梅山

東至朴蛇山  
北至霸衛所

箸帽嶼

梅山

楊

三山

東連梅山西  
至黃牛礁

黃牛礁

鎮定兩邑水  
程往來之半

內洋青龍汎轄洋面二十五

青龍山

梅山

青

龍港

下梅山

汀齒港

汀齒山

北即青龍山

佛

肚山

西至汀齒南至溫州嶼

溫州嶼

汀齒東

孝順洋

蒲

門

係首衝

干門

為錢倉所藩籬

東嶼

北近溫州嶼

西嶼

在東

西嶼

鷄娘礁

鷄籠山

金地祇

道人港

亂

礁洋

饅頭山

定海縣東北十里

將軍帽山

在東嶼南

白

巖山

一名白砬象山北距西嶼南至青門

白巖洋

碗盞礁

石

擎礁

青門宮

山南屬昌石營轄山北屬本營轄

鞍子頭山

中營外洋汎轄洋面六

雙嶼山

雙嶼港

白

馬礁 尖倉山 五爪山 四礁頭

西距東嶼

左營海汛內洋沈家門汛轄洋面三十七道場

礁 十六門 野豬礁 鱗魚礁

即石衛山定海縣東南

嵩山 拗山 大千山

西北水汛屬中營轄

距定海縣約五十里東至馬秦

門 長嶼 馬秦門 馬秦山 老鼠山 大佛

頭山 桃花山 馬蟻山

西南水汛屬中營轄

距定海縣八十里漁民網

捕之處 點燈山 登埠山

在馬蟻山西

距定海縣九十里南為桃花山

樹次山 雞冠礁 烏沙門

距定海縣六十里

係首衝出此門



即大洋

盧家嶼

距定海縣六十里北接沈家門山

沈家門

藕

頸頭

分水礁

登華山北盧家嶼東

金鉢盂山

距定海縣一百里蓮

花洋中

順母塗山

距定海縣一百十里漁民網捕之處

石牛港

一名

香火礁與馬秦山相近

朱家尖

去定海縣一百里山尖最為聳拔可以瞭遠

白沙港

白沙山距定海縣八十里港口即曰白沙港

缸片礁

與金鉢盂相連

蓮花洋

往洛迦必經此洋

普陀山

大洛迦山

普陀山東

洛迦門

小洛迦山

北距大洛迦山

羊嶼

東閃

西閃

內洋長塗汎轄洋面三十

塘頭背

離定海縣七十里

幞頭礁

笏杯礁

西與蘭山相近

香爐花瓶山

黃大

洋

定海縣東北接近灌門最為險要

官山

山南距秀山西北屬右營汎

秀

山

在定海縣北有蘭山綴其中兩山合名為蘭秀周約五十餘里四際皆大洋而西北箸帽山為

列屏東南灌門相襟帶

灌門

定海縣東北有大石懸峙中流潮水迴旋衝激可畏

梁橫山

西距螺門

釣門山

西至灌門北至青黃肚山

青肚山

黃肚山

並在釣門北

螺門

東距梁橫

分水礁

西至竹嶼東至長塗

北至枋鰲山

泥礁

竹嶼港

長塗港

岱山西南廻環周廣與南

道頭兩處為  
第一椋地

栲鼇山

距定海縣一百  
六十里長塗西

南莊門

東劍山 西劍山

距定海縣二十里山  
東為東劍西為西劍

牧羊

頭 東嶽背山 西嶽背山

並距定海縣  
一百八十里

衢港

洋

一名半洋一名漢洋春夏漁汛各  
船俱集於此西界石營鰲蓬礁

大衢山

離

海縣三百餘里寬廣百餘里四山環聚地勢平衍  
宋元時與岱山統名蓬萊鄉自明初遷遣之後永  
行廢棄康熙二十八年請復三鄉而蓬萊鄉止復  
岱山其衢山以地處險遠未經議復仍為禁地

山北屬外洋汛  
山南屬內洋汛

礁潭

乍浦門

黃沙壘 沙

塘壘

左營外洋汎轄洋面二十五 倒斗壘 莊前竹

癩頭嶼

北至小衢山

小衢山

癩頭嶼北

石子門

定海縣北

潮頭門

定海縣北

大衢山

山北一帶山頂瞭臺一座

衢東

鼠狼湖

西距大衢山

爛冬瓜山

南至大衢山北至小衢

獅子

礁

西北為鼠狼湖

五爪湖

霜子山

小衢山東

環山

小衢山東

西寨山

東寨山西五爪湖北

東寨山

東南俱大洋

菜花山

西南鄰東西寨山

黃星山

南臨大洋西距獅子礁

廟子湖

東至青幫

青幫山

三星山

東廟子湖西霜子山

霍山

羊鞍山

船礁 九礁

山南洋汎  
屬中營轄

右營海汎內洋岑港汎轄洋面三十三 竹山門

定海縣西南五  
里南至盤嶼山

盤嶼

山東南水汎  
屬中營轄

盤嶼港

大王腳板

鴨蛋港

寡婦礁

在竹山門西左茅  
山石螺頭一名點

燈礁去定海縣三十里  
礁石巉巖舟觸立碎

蟹嶼

東距盤嶼  
北至螺頭

蟹嶼

港

螺頭門

定海縣西南二十  
里出此即橫水洋

洋螺山

距定海  
縣二十

五

橫水洋

定海縣西約半潮可到潮長則北自  
海州蘓州諸大洋而趨於南出旗頭

退則南自溫台諸大洋而趨於北出西喉桃天海  
水奔赴衝激震蕩極為險害舟欲東西而水橫於

其中故名

半洋礁

一名碗盞礁在橫水洋之半故名

烏廟礁

距定海縣

約五十里

外釣山

距定海縣五十里

中釣山

距定海縣六十里

裏釣山

山高十餘丈周廣五里地肥可耕

岑港

定海縣西北四十五里港口南

北舟航鱗集為定海要汛

潭頭

泥灣

定海縣北五里地窄而腴

黃牛

礁

雙尖

三山

茅礁

黃岐港

穿鼻港

大榭山

自螺頭過橫水洋六十里即抵其地廣亘八十餘里北為覆門大洋東南為旗頭洋

東北為大貓洋西與鎮邑穿山所為隣一葦可渡故大榭雖屬懸洲殊近內地

水蛟門

壽門

售門

白鴨嶼

大貓山

南鄰鎮海陸汎西至大榭

山

猫港 長柄

內洋瀝港汎轄洋面十五

瀝港

定海縣北八十里近金塘山

天打巖

金塘山

離定海縣約八十里巨浸海中周百餘里泉甘土肥山田

塗蕩數萬畝洵稱沃壤棄之則反為逋逃盜賊淵藪康熙三十七年知縣李侗詳請開墾漸次成熟

隸鎮海營轄

橫櫓山

西後門

小李壩

刁

柯山

距定海縣一百二十里

魚龍山

距定海縣一百四十里東為刁柯山

菜花山

距定海縣一百十里

插翅山

蘭山

距定海縣九十里與秀山

連

桃天門

定海縣西北為北洋必由之路

繫馬椿

爪連山

距定海縣

七十里

五嶼

距定海縣一百里

內洋岱山汎轄洋面十九

岱山

在定海縣北屹峙海中為翁洲

之屏背距縣約一百五六十里兩潮可到其地寬廣而窈深東西十五里南北三十五里可耕可廬從此由北洋而上為大衢小衢再上為洋山即與江南接界矣宋時屬蓬萊鄉住劉巡檢司又設寨軍一百二十名戍守

蒲門

山外屬左營轄

高亭

南浦

五虎

礁

北至岱山東距擎山

擎山

距定海縣八十里岱山南

峙中山

北近

鼈山

峙中山北

龜山

鼈山之北

龜鼈洋

因龜鼈兩山得名

長白山

龜山南

長白港

馬目山

東近長白山南至中營大沙壘



汎八里山周二十餘里一名馬墓

馬目港

虎磔頭

爪連門

馬目山北

桃花女山

距定海縣七十里

韭菜塘

八斗壩

右營外洋汎轄洋面十九

姚姓浦

尖刀頭

售港門

近岱山

東沙角

篳箕礁

栲門

近岱山

燕窩山

岱山北

鯊蓬礁

又名鐵壑山南至東壑山外屬左營轄

東

壑山

東南近岱山

西壑山

東壑之西

雙合山

又名兩頭洞山頂設

瞭臺一座北至西壑西至花菓盆山

分水礁

笏杯山

東至雙合山北至花

菓盆

花菓山

北距蝦爬礁

蝦爬礁

大羊山在其北

大漁山

南至練槌山  
北至大羊山

練槌山

西界木營  
港汛東霍山

小漁山

東至

大漁山西  
距漁腥腦

魚腥腦山

北與乍浦營接界  
本營滬港汛西霍山

象山城守營

順治三年設初隸黃巖鎮  
正七年十月改隸定海鎮

駐劉象山

縣城副將統轄都守千把外委等官二十五員兵

一千二百六十二名

俱詳見  
兵制

除內守縣城外餘分

防沿海各汛

錢倉寨汛

距縣城東關五十里  
錢倉所康熙九年改寨

都守輪防駐

兵一百八十名轄臺四

鷄報臺

距縣三十里

塗茨

臺

距縣三十里

中堡臺

距縣五十里

蒲門臺

距縣五十里

爵溪城汛

距錢倉寨六十六里故明爵溪所

千把總輪防駐兵一

百二十名轄臺六

田灣臺

距縣三十里

金井臺

距縣

三十里

岳頭臺

距縣二十五里

龍洞臺

距縣二十里

屏風

臺

距縣二十里

長沙臺

距縣二十五里

關頭汛

距爵溪城七十里

千把總輪防駐兵四十名轄臺

三黃嶼臺

距縣三十五里

烏江臺

距縣五十里

七里臺

距縣六十一里

泗洲頭汎

距關頭汎三十五里  
縣西南三十里

千把總輪防駐兵四

十名轄臺三

靈巖臺

距縣四  
十里

泗洲臺

距縣四  
十里

花牆臺

距縣三  
十里

西周汎

距泗洲頭  
汎五十里

千把總輪防駐兵五十名轄臺

一 蝦蟆臺

距縣三  
十里

海口汎

距西周汎  
八十八里

千把總輪防駐兵五十名轄臺

二 馬盤臺

距縣三  
十里

白嶼臺

距縣三  
十里

湖頭汎

距海口汎  
四十里

千把總輪防駐兵一百五十名

領哨船四隻

每隻配水兵十五名

轄口隘一

龍嶼口隘

縣西

北四

十里

朱溪汛

距湖頭汛三十里

千把總輪防駐兵五十名轄臺

二 下章臺

距縣四十里

木瓜臺

距縣四十里

昌石水師營

雍正八年改水師

都司僉書統轄千把外委等

官五員兵五百六十五名

詳見兵制

戰船六隻駐防昌

國衛石浦所及分巡新設海汛

陸汛昌國衛汛守備防守把總隨防轄臺六 烏

石山臺

衛東一里臺北十五里至田下嶺臺

田下嶺臺

本臺北十五里至交

縮梓樹嶺與象協關頭汎接界二十里至王家灤臺

王家灤臺

北十里至

松巢臺

北十里與象協田灣臺接界西南四十里至靈巢臺

靈巢臺

南

十里至小太平臺

小太平臺

西南十里至竹山臺

石浦所汎千總防守轄臺四

竹山臺

南十里至厲家坪臺

厲家坪臺

南十里至井水臺

井水臺

南十里至前

前

山臺

距所城十里

海汎內洋石浦汎把總及外委千把巡防駕雙蓬

船船二隻

配兵各五十名

轄洋面十四

石浦港

銅錢

礁銅瓦門

獺鰻嘴山

寧台分界北至淡水門南接黃標洋汎

牛欄基

山頂設瞭臺一座南至秤鍾山屬黃標洋汎

金沙灘

淡水

門

東為牛欄基南至獺鰻嘴

外淡水門

鵓鵒嘴

淡水門北

半

邊山

南至鵓鵒嘴北接鎖門

鎖門

鎖門山南為半邊山

鷄鳴塗

鷄鳴礁

裏担門

鎖門北

內洋淡水門汎巡防石浦汎千把漁管轄洋面十

八中擎山

東至外旦門

外旦門

屏峰山

旦門中擎之南

桃仁桃核山

南至中擊北至珠山

岳頭港

鋸門珠

山

西為龍洞口

龍洞口

東旦門北

大目山

外旦門北東為韭山

大目洋

小目山

蝦節門

東近青門南近牛柁

笑杯礁

棉花礁

牛門

西距象山縣十里北近牛柁山

牛柁山

西距爵溪

所十五里

青門宮

蝦節門東山南屬本營轄山北屬定標中營轄

鞍子頭

青門宮東

外洋汎守備千總輪巡

二月一換

駕趕艍船二隻

配兵各六

十名 隨艍快船二隻

配兵各三十名

轄洋面五

三嶽山



北近外旦門  
西距半邊山

將軍帽山

大目山北

南韭山

本汛極東

九龍港 八畝礁

鎮海水師營

順治三年設舊名定海營康熙二十五年更名鎮海本陸師雍正六年改水師

駐劄鎮海縣城叅將統轄守備千把外委等官一

十四員兵一千一百五十五名

俱詳見兵制

除內守縣

城外餘分防沿海陸汛及輪巡新設海汛

陸汛鎮海關口

在縣城南大浹港口汛守要衝也明嘉靖中設指揮一員旗軍五千

名盤詰舟航官哨戰船亦泊於此

千把總專防外委千把總協防

俱二月  
一換  
駐兵一十三名稽查出入船隻

陸汎招寶山

在縣城東北屏翰縣城雄峙海口臨其上可以下瞰城中明嘉靖中建威

遠城於山頂山下即沿江汎

外委千把總輪防  
二月一換  
駐兵一百

五名轄汎地四

沿江汎

招寶山下西至滾江汎

滾江汎

二十里至清水浦

清水浦

二十里至三官堂

三官堂

西南為鄧縣內

地

陸汎笠山城千把總專防外委千把總協防

俱二月一

換  
駐兵二百一十名轄口次一臺四汎地五小

港口次

小浹港內通東江出穿山所達府城極險要

竺山臺

臺下即小港口

次

張師山臺

十里至打鼓山臺

打鼓山臺

六里至路石山臺

路石山臺

二十里至東港礮汎

東港礮汎

十里至石門汎

石

門汎

七里至慕孝陳汎

慕孝陳汎

西至鄞縣內地

大跳觔

大跳

山縣東南十五里

青嶼汎

距打鼓山臺九十里

五里至青嶼汎

本營原營招寶山城魚顧鎮城滾江龍山所穿山

所霏霽所崑亭寨六汎康熙五十六年改設笠山

城汎將滾江汎撥歸招寶山汎管轄雍正二年本

營改為水師將穿山霏霽崑亭三汎撥歸提標左

營管轄

轄

陸汛龍山所千把總專防外委千把總協防

俱二月一

換駐兵一百八十名轄臺八汛地六汪家路臺

距縣城八里十

鷺鷥臺

十里至路南臺

路南臺

十里至蟹

里至鷺鷥臺

浦臺

蟹浦臺

蟹浦在縣西北五十里即古之渤澥宋置戍於此十里至青溪山臺

青溪山臺

青溪港可入金家壩

石塘臺

距所城四里

伏龍山

臺

縣西北八十里伏龍山一名箬山首尾跨東西兩海門南距所城十里屹臨水際為番舶必由

之道十里

施公山臺

縣西北九十里商舶往來地極險要

金

家壩汛

在所東北與邱家洋相連東對烈港海洋北望洋山三姑大洋最為險要四里至邱

家洋

丘家洋汎

三十三里至  
宣家堰汎

宣家堰汎

三里至  
松浦汎

松浦汎

五十里至  
憩橋汎

憩橋汎

八里至  
吸底

吸底

塘汎

西至鄞  
縣內地

海汎督巡將備一員專巡千把總一員隨巡千把

外委等官四員

俱二月  
一換

領哨船八隻

內水船一隻  
趕繒船一隻

隻各配兵八十名快哨船二隻各配  
兵四十名哨船四隻各配兵三十名

轄洋面十一

鎮海港

在縣城南自蛟門海洋分派為  
支江向西沂流謂之大浹港

蛟門

山

在縣東去岸約十五里環鎖海口吐納潮汐一  
名嘉門山出此即大海洋昔人稱蛟門虎蹲天

欽定四庫全書

卷九十七

設之險是也  
定鎮標右營洋汎

東係

虎蹲山

在縣東五里海口  
登岸即小港口次

搗杵山

北係定鎮標  
右營滬港汎

金塘山

山東南北俱係  
定標右營洋汎

太平山

障金塘之西北山之東  
北係定鎮標右營汎

滬表背山

北

係定鎮  
右營汎

後海

後海山縣東  
南六十五里

東霍

山東北係定  
標右營汎

西霍

山北係乍  
浦營洋汎

七姊妹山

山北係乍  
浦營洋汎

浙江通志卷九十七